



Broj predmeta: 13-001360/22
Broj akta: 01.1-1413EK-0027/22
Datum, 15.7.2022. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 - prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama („Službeni glasnik BiH broj: 39/14), a u skladu s članovima 69. stav (2) tačka e) i 69. stav (2) tačka a) Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda sa preporukom Komisije za javne poslove broj: 13-001360/22 od 4.7.2022. godine, gradonačelnik Brčko distrikta BiH d o n o s i

ODLUKU O PONIŠTENJU **POSTUPKA JAVNE NABAVKE**

Član 1

Poništava se otvoreni postupak za lotove 1,7,8,9,10,14,15,16,18,19,21,23 i 24 iz provedenog postupka za nabavku radova na izgradnji i rekonstrukciji puteva, ulica i trotoara na području Brčko distrikta BiH – 2/2022 prema zahtjevu za nabavku Odjeljenja za javne poslove Vlade Brčko distrikta BiH – lotovi 1-24, koji je pokrenut na osnovu Odluke o pokretanju postupka javne nabavke broj: 13-001360/22 broj akta:03-1416RS-002/22 od 9.5. 2022. godine, Obavještenja o nabavci na portalu javnih nabavki broj: 1157-1-3-263-3-305/22 od 13.5.2022. godine, Ispravke obavještenja o nabavci broj:1157-1-3-263-8-341/22 od 27.5.2022. godine, predmjera radova u vezi sa Tenderskom dokumentacijom broj: 13-001360/22,

za lotove 1,7,8,9,10,14,15,18,19,21,23 i 24

iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke,

za Lot 16

iz razloga što nije dostavljena nijedna ponuda u određenom krajnjem roku, što prema čl. 69. stav (2) tačka a) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno devet ponuda, sljedećih ponuđača: „Santovac” d.o.o. Brčko, „Roading” d.o.o. Gračanica, „Balegem” d.o.o. Gradačac, „Gradnja-Cop” d.o.o. Brčko, „Bijeljina Put” d.o.o. Bijeljina, „Agip” d.o.o. Brčko, „Galax Niskogradnja” d.d. Brčko, „Arapovac Putevi” d.o.o. Čelić i „Eko Prom” d.o.o. Brčko. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije. Sve ponude su prihvatljive prema obliku, sadržaju i potpunosti te u pogledu načina pripreme i dostave ponuda, osim ponude ponuđača „Santovac” d.o.o. Brčko, koji na lotu 2 u dijelu I – pripremni i prateći radovi (stavka paušal) nije upisao jediničnu cijenu tako da je ponuda ocijenjena kao nepotpuna i neprihvatljiva. Ponuđači su ocijenjeni kvalifikovanim jer su ispunili kvalifikacione kriterije u skladu sa članom 45 do 51 Zakona o javnim nabavkama. Nakon izvršene

analize dostavljenih ponuda, komisija je ustanovila da ponuđač „Gradnja Cop“ d.o.o. Brčko nije kvalifikovan za lotove 4, 10 i 18 jer tražene potvrde o uspješno izvedenim radovima nisu bile u skladu sa zahtijevanim. Ponuđač je dostavio potvrde koje se odnose na sanaciju makadama, a ne za izgradnju trotoara niti asfaltnih puteva, te zbog toga ne ispunjava kvalifikacije za navedene lotove. Izvršena je računska kontrola dostavljenih ponuda. Svi ponuđači su ocijenjeni kvalifikovanim i ponude prihvatljivim. U pogledu opisa predmeta nabavke i tehničkih specifikacija, utvrđeno je da u ponudi ponuđača „Santovac“ d.o.o. Brčko nisu ponuđene jedinične cijene za Lot 2 za sve tražene stavke u tehničkoj specifikaciji tako da je ponuda za taj lot neprihvatljiva. Izvršena je računska kontrola ponuda i uočeno je da u ponudama ponuđača „Roding“ d.o.o. Gračanica „Gradnja Cop“ d.o.o. Brčko i „Bijeljina Put“ d.o.o. Bijeljina postoje računске greške, za koje su ponuđači dostavili saglasnost za ispravku. Na lotovima 10 i 12 je utvrđeno da se radi o postojanju neprirodno niske cijene u ponudi ponuđača „Galax Niskogradnja“ d.d. Brčko koji je dostavio pojašnjenje koje je komisija i prihvatila. Izvršena je e-aukcija na lotovima gdje su bile dostavljene dvije prihvatljive ponude i došlo je do smanjenja cijena kod pojedinih lotova u odnosu na cijene sa otvaranja ponuda. Komisija je ustanovila da je iznos najpovoljnije ponude na lotovima 1,3,7,8,9,10,14,15,18,19,20,21,23 i 24 veći od procijenjene vrijednosti nabavke i od Odjeljenja za javne poslove je zahtijevano da dostave podatak o postojanju dodatnih sredstava. Odjeljenje se izjasnilo da za lotove 3 i 20 postoje obezbijedena sredstva dok za ostale lotove ne postoje sredstva i postupak se treba poništiti. Komisija za nabavke je dostavila preporuku o poništenju postupka dodjele ugovora za lotove 1,7,8,9,10,14,15,16,18,19,21,23 i 24.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO

1. Pododjelu za javne nabavke,
2. Ponuđačima
3. Gradonačelniku,
4. Odjeljenju za javne poslove,
5. Službenom glasniku Brčko distrikta BiH
6. Arhivi.

